

中國地方志集成

四川府縣志輯（新編）①7

民國綿陽縣志

同治直隸綿州志
（三）

巴蜀書社·鳳凰出版社·上海書店

第十七册

同治直隸綿州志（二）

民國綿陽縣志

一九五

治同

直隸綿州志

(三)

清·文榮 董貽清 修 伍肇齡 何天祥 纂

同治十二年刻本 五十五卷

直隸縣州志卷四十八

知縣州直隸州事 文 梁纂輯 董貽清釐訂

僭竊

直隸縣州

漢

馬相 靈帝中平中聚疲民數千殺綿竹令李昇益州刺史郤儉陷沒郡縣自稱天子從事賈龍擊殺之迎劉焉

劉焉 竟陵人中平中為益州牧初治綿竹以小惠結人撫納離叛久之僭擬乘輿綿竹災仍徙成都尋卒子璋領益州牧建安十六年先主由涪城進兵成都璋出降

縣州志

卷四十八 僭竊

晉

咸康中成李期信任羣小忌從叔壽威名使屯涪城壽與長史任調謀調曰近市有隻日卜者占斷如見人

爭問之壽召入默禱卜者筮得乾卦賀曰主有數年天子分但身後不延壽留卜者於府聞巴西處士龔

壯善謀能斷數聘不應壯帥事金城山褐袍隱翁值

成復來聘壯隱翁勸之行至涪尊為上賓問自安策

壯曰發兵必克成都事定稱藩於晉壽襲破成都期

自殺壽稱帝改國曰漢建元漢興永和二年國亡

張育 蜀人安帝義熙中屯於綿竹自稱蜀主尋為符堅將鄧羌所滅

宋劉宋

程道養 陽泉寺道人文帝永嘉中為妖人趙廣加劫逐僭稱蜀王建號泰始封其弟道助為長沙王鎮涪城陷沒州郡尋為

秦軍裴方明所滅

唐

段子璋 肅宗上元二年據縣州自稱梁王改元黃龍置黃龍府成都尹崔光遠率花鶯定等討平之

杜甫戲贈花卿歌 成都猛將有花卿學語小兒知姓名用如快鶴風火生見賊雖多身始輕縣州刺史著

崔大 夫李侯重有此節度人道我卿絕世無既稱絕世無天子何不

喚取守東都

縣州志

卷四十八 僭竊

楊師立 僖宗中和四年不受詔書舉兵屯涪城詔以高仁厚討之其將鄭君雄斬之以降

王建 項城人昭宗大順中自稱西川留後景福元年九月屯縣州僭稱帝尋殂子衍嗣後唐莊宗同

崇光三年為郭

五代

孟知祥 邢州人後唐明宗長興中據有全蜀遂僭帝位尋卒子景嗣宋太祖乾德二年王全斌引兵伐

景景命其太子元喆禦於縣州全斌進次魏城景出降詔封秦國公

康延孝 莊宗同光中自稱西川節度招討使任圖討之延孝戰敗走綿竹攜送京師

宋

全師雄 太祖乾德三年赴任道出縣州蜀兵適叛晉以爲帥師雄自號興蜀大王攻縣州爲指揮使

福所敗曹彬劉
仁讓力戰破之

李順 青神民太宗淳化中僭號大蜀王帝遣崔者王
繼恩討之繼恩師過緜州戰獲之遂復緜州

王均 真宗咸甯中僭號大蜀改元化順攻
陷漢州進寇緜州尋為甯有終所滅

元

明玉珍 隨州人順帝至正中自稱隴蜀王旋稱帝國號
夏卒子昇嗣洪武四年命傅友德為征虜將軍
帥師征討友德連克階文遂下緜州敗其將向

大亨等於漢州進圍成都明昇自重慶出降

明

趙鐸 德陽人天順中自稱趙王成化元年巡
撫汪浩用緜州義士王志恭策擒斬之

張獻忠 膚施人懷宗崇禎中奄有兩川蟠據藩府僭號
大西改元大順以成都為西京改緜州為得勝

緜州志

卷四十八

僭竊

三

州順治四
年伏誅

直隸緜州志卷四十九

知緜州直隸州事 文 榮纂輯
董貽清釐訂

藝文

宋太宗書玉堂之署

夢溪筆談學士院正廳曰玉堂太宗皇帝嘗以紅羅飛

白書玉堂之署四字賜翰林學士承旨蘇易簡字徑

二尺餘按玉堂木漢別殿在未央宮與清涼宣溫金
華白虎列時史不詳著而略見於李尋翼奉

傳玉堂蓋殿名也待詔者有直廬在焉故尋自謂久

汚玉堂之直太宗所賜實取諸此又按施註與王晉
卿一占云花栽訖林檎與杏仍乞命栽花
人來種之玉堂前後亦異時一段佳事

緜州志

卷中十九

藝文上

一

宋祥符元年加封孔子廟碑

若夫檢玉介邱迴輿闕里緬懷於先聖躬謁夫嚴祠以

為易俗化民既仰師於彝訓崇儒尊道宜益峻於徽

章增薦崇名聿陳明祀思形容夫盛德爰刻鏤於斯

文贊曰立言不朽垂教無疆昭然令德偉哉素王人

倫之表地道之綱厥功實茂其用允臧升中既畢盛

典載揚洪名有赫懿範彌彰加號詔曰王者順承古

道懋建大猷崇四術以化民昭宣聖教本六經而致
理不變人文方啟迪於素風思肇揚於鴻烈先聖文

宣王道膺至聖體自生知以天縱之多能實人倫之先覺元功侔於簡易景鑠配乎貞明惟列辟以尊崇爲後王之師表肆朕寡昧欽承命歷曷嘗不尊守彝訓保乂中邊厯以祇若元符告成喬嶽觀風廣魯之地飭駕數仞之牆躬謁遺祠緬懷遐躅仰明靈之如在肅奠獻以惟寅是用徵簡策之文昭聰睿之德聿舉追崇之禮庶伸嚴奉之心備物典章垂之不朽誣告多士昭示朕懷宜追諡曰元聖文宣王祀文特進署仍令所司擇日備禮冊命並修飾祠廟祭器其廟

縣州志

卷四十九 藝文上

二

內制度或未合典並令改正給近便五戶以奉瑩域仍差官以太牢致祭故茲詔示想宜知悉大中祥符元年十月二十四日東封禮畢十一月一日車駕幸曲阜縣謁奠先聖文宣王命刑部尚書溫仲舒等分奠七十二弟子先儒禮畢幸孔林是日詔先聖加號元聖文宣王御製贊文詔吏部尚書張齊賢等次日以太牢致祭詔雍公顏子進封兗國公十哲閔子以下進封公曾子以下進封侯先儒左邱明以下進封伯五年三月十二日奉勅諸道州府軍監各於元聖

文宣王廟刻御贊並詔十一月日奉勅諡曰元聖文宣王

明諭祭金獻民文

隆慶三年歲次己巳八月壬寅朔越二十三日甲子皇帝遣整飭安縣利保石泉等處兵備四川按察司僉事史闕疑諭祭原任兵部尚書金獻民曰惟卿忠誠素著久列聲華夷險一心不負所學追維淪謝良軫朕懷窀穸有年卹恩甯靳載頒諭祭靈其克歆又同時諭祭原任兵部尚書金獻民曰惟卿岷錦奇才甲科碩彥服官中外任事公誠勘藩獄而甚得處置之宜討回夷而克奏安攘之績持風裁於臺院憲度丕彰握樞務於兵刑勳名遠震方隆委任乃遽乞歸雖被謗誣尋亦昭雪仁厚夙孚於里黨剛方推服於朝紳爰采公評特頒祭葬爾靈不昧尚克歆承

縣州志

卷四十九 藝文上

三

詩

唐

冬日歸舊山

李白太白

未洗染塵纓歸來芳草平一條藤逕綠萬點雪峯晴地
冷葉先盡谷寒雲不行嫩篁侵舍密古樹倒江橫白犬
離村吠蒼苔上壁生穿廚孤雉過臨屋舊猿鳴木落禽
巢在籬疏獸路成拂牀蒼鼠走倒篋素魚驚洗硯修良
策敲松擬素貞此時重一去去合到三清

別匡山

李白

藤州志

卷四十九 藝文上

四

曉峯如畫色參差藤影風搖拂檻垂野徑來多將犬伴
人間歸晚帶樵隨看雲客倚啼猿樹洗鉢僧臨失鶴池
莫謂無心戀清景已將書劔許明時

訪戴天山道士不遇

李白

犬吠水聲中桃花帶雨濃樹深時見鹿溪午不聞鐘野
竹分青靄飛泉挂碧峯無人知去所愁倚兩三松

涪江泛舟送韋班歸京

杜甫子美

追餞同舟日傷春一水閒飄零爲客久衰老羨君還花
雜重重樹雲輕處處山天涯故人少更益鬢鬢斑

巴西驛亭觀江漲呈竇十五使君二首

廣德元年春
絲州作

杜甫

宿雨南江漲波濤亂遠峯孤亭凌噴薄萬井逼春容霄
漢愁高鳥泥沙困老龍天邊同客舍攜我豁心胸
轉驚波作惡卽恐岸隨流賴有盃中物還同海上鷗關
心小剡縣傍眼見揚州爲接情人飲朝來減片愁
又呈竇使君與前詩
同時作 杜甫

藤州志

卷四十九 藝文上

五

東津送韋諷攝閩州錄事

杜甫

聞說江山好憐君吏隱兼龍行舟遠泛惜別酒頻添推
薦非承乏操持必去嫌他時如按縣不得漫陶潛

客夜自縣至
梓作

杜甫

客睡何曾著秋天不肯明入簾殘月影高枕遠江聲計
拙無衣食途窮仗友生老妻書數紙應惜未歸情

客亭與前章
同時作

杜甫

秋窗猶曙色落木更高風日出寒山外江流宿霧中聖
朝無棄物衰病已成翁多少殘生事飄零任轉蓬

不見

杜甫

不見李生久伴狂真可哀世人皆欲殺吾意獨憐才敏
捷詩千首飄零酒一杯匡山讀書處頭白好歸來

奉濟駙送嚴公

郭知遠注駙在
絲州三十里 杜甫

遠送從此別青山空復情幾日盃重把昨夜月同行列
郡謳歌惜三朝出入榮江邨獨歸處寂寞養殘生

寄李十二白二十韻

杜甫

昔年有狂客號爾謫仙人筆落驚風雨詩成泣鬼神聲
名從此大汨沒一朝伸文彩承殊渥流傳必絕倫龍舟

麟州志

卷四十九 藝文上

六

移棹晚歡錦奪袍新白日來深殿青雲滿後塵乞歸優
詔許遇我宿心親未負幽棲志兼全寵辱身劇談憐野
逸嗜酒見天真醉舞梁園夜行歌泗水春才高心不展
道屈善無鄰處士禰衡俊諸生原憲貧稻梁求未足惹
苴謗何煩五嶺炎蒸地三危放逐臣幾年遭鵬鳥獨泣
向麒麟蘇武先還漢黃公豈事秦楚筵辭醴日梁獄上
書辰已用當時法誰將此義陳老吟秋月下病起暮江
濱莫怪恩波隔乘槎與問津注太白一生具見於此未
負幽棲楚筵辭醴極辨其
不受永王
璘之辟矣

奉送嚴公入朝十韻時自成都
送公來縣

杜甫

鼎湖瞻望遠象闕憲章新四海猶多難中原憶舊臣與
時安反側自昔有經綸感激張天步從容靜塞塵南圖
廻羽翮北極捧星辰漏鼓還思晝宮鶯罷轉春空留玉
帳術愁殺錦城人閣道通丹地江潭隱白蘋此生那老
蜀不死會歸秦公若登臺輔臨危莫愛身

送梓州李使君之任寶應元年
縣州作

杜甫

藉甚黃丞相能名自穎川近看除刺史還喜得吾賢五
馬何時到雙魚會早傳老思筇竹杖冬要錦衾眠不作

麟州志

卷四十九 藝文上

七

臨歧憾惟聽舉最先火雲揮汗日山驛醒心泉過管陳
公殞於今蜀道憐君行射洪縣為我一潸然

酬別杜二仇注此在縣州途中作蓋杜
公送行至此而酬詩以答也

節度使嚴武

獨逢堯典日再覩漢官儀未效風霜勁空慙雨露私夜
鐘清萬戶曙漏拂千旗並向殊庭謁俱承別館追斗城
憐舊路涪水惜歸期元和志縣州城治漢涪縣依山作
州東據天池西臨涪水形如北斗
臥龍伏焉故云峯樹還相伴江雲更對誰試回滄海棹莫妬敬
亭詩祇是書應寄無忘酒共持但令心事在未肯鬢毛

衰最悵巴山裏清猿惱夢思

越王樓

并序 縣之城帝猶嶽嶽明威瀾右稍馳蹄瀨左凌凌紅稜馨天地送行癸王且掬跼

明窗蒙傘蹇蹇子始登謂日月昏曉可窺其背雷電合風雲蓬霜辛露酸極辰行神鬼變化草木須繡髻御蓑蓑皆可察極榮視其江帶又極視其土岡斷暴遠近山嶽若閱之東皇天原開見荆山我可黃河瀾然為曲直淚雨落不可掩因口其心日無害苦其日果星星過歸尚悲不能解重為詩以釋益不可願謂郡中諸君能無有意綴以華

州刺史 樊宗師 紹述

危樓倚天門如闔星辰宮榭構龍虎怪洞洞繞雷風徂

秋試登臨大靄屯喬空不見西土地考懷益涓窮石灘

蘇州志

卷四十九 藝文上

八

薄濺濺土山杳窮窮昔人愴為逝所適醜顏紅今我茲
之來猶校成歲功輟田植斜畝遊圃歌芳叢地材無叢
厚入室安敢豐既乏富庶能千萬慚文翁

石臼詩

詳古蹟

柳宗元 子厚

白石溪邊自結廬風泉滿院稱幽居鳥啼深樹斷靈藥
花落閒窗看道書烟嵐晚過鹿裘濕水月夜明山舍虛
支頤冷笑緣名出終日王門隨曳裾

寂寥深木閉烟霞洞裏相知有幾家笑看淵魚吹水沫

醉噴溪鹿喫蕉華穿林歷歷泉聲細繞屋悠悠樹影斜

夜靜看灰封釜竈自添文武養丹砂

蘇州廻寄蔡氏昆仲

羅隱

一年兩度錦江遊前值東風後值秋芳草有情皆礙馬
好雲無處不遮樓山將別恨和心斷水帶離聲入夢流
今日因君試廻首澹烟喬木隔蘇州

宋

雜興三首

州刺史 鮮于侁 子駿

幽居觀物變天道固虛盈炎炎日方熾微陰一已生涼

風動野草桃李先飄零蝴蝶集高柳絡緯響空庭愁心

蘇州志

卷四十九 藝文上

九

獨耿耿宵夢竟難成

一氣幹元造為功未嘗煩羣生自委化天地亦何言鬼
脛不可增楮葉不可鑄欲益固為損勞心非自然不見
平陽侯醕酒聊終年

三王貴養老所重在乞言酒醴副嘉肴黃髮斯皤然朝
廷本忠厚風俗亦變遷豈意漢道微侍中惟少年耆舊
無備問李公所以難

正月九日有美堂飲醉歸徑睡五鼓方醒不復能

眠起閱文書得鮮于子駿所寄雜興 諸本作古意者說 作

古意諸本作雜興者說一首答之

蘇軾子瞻

衆人事紛擾志士獨悄悄何異琵琶絃常遭腰鼓鬧三杯忘萬慮醒後還皎皎有如轆轤索已脫重縈繞家人自約飭始慕陳婦孝可憐原巨先放蕩今誰弔平生嗜羊炙識味肯輕飽烹蛇啖蛙蛤頗訝能稍稍憂來自不寐起視天漢渺闌干玉繩低耿耿太白曉

聞東坡先生貶惠州作

州刺唐庚子西史

元氣脫形數運動天地內東坡未離人豈比元氣大地不能容伸舒輒有礙低頭不能仰閉戶焉敢咳東坡

蘇州志

卷四十九 藝文上

十

坦率老局促應難耐何當與道俱逍遙天地外

嘉州寄左縣王虞部

石介

江山如畫望無窮况屬昇平歲屢豐萬樹芙蓉秋色裏千家砧杵月明中斷霞半赭燕支木零露偏留篁竹叢只欠流杯曲水宴風流未與左縣同原注左縣新創流杯亭

次文孺智仲韻時持節勞師彰明

師大卿

聖主寬仁念小臣江湖未許去垂綸眷言劔閣出車遠用錫楓宸湛露春燕豆恩光浮四座旌旗喜氣動三辰顧余濫辱皇華命更獲從容遇故人

宿富樂山贈海公

馮如晦

山名富樂冠三巴佛子今生此出家六祖禪宗心頓悟碧雲詩句眾爭誇虎聞講法馴高座鷗識忘機立淺沙八十餘年無俗慮祇因幽會有蓮花

前題

宋球

遊遍西南轉法輪歸來挂錫舊溪濱師心皎皎潭中月世俗悠悠几上塵白雪眉毫俱晚暮碧雲詩句獨清新近來素壁皆圓像如滿聯成七老人

寄彰明任光祿遵聖

梓潼人文同與可

蘇州志

卷四十九 藝文上

十一

軒軒任公子本是釣鼈人手把虹蜺竿一舉百萬鈞得鼈謂無用坐卷千丈綸卻自鞋蚯蚓淺瀨收纖鱗悠悠世上兒不識此有神但將俗士眼下視窮水濱

元

輓蘇漢簡諸公蘇漢簡并屬成都府路

劉堯

蘇漢風酸動殺機北來鐵騎遍驅馳幾千里地弓刀運百萬人家骨肉糜鬼哭神號無限憾蠅蛆嘍有餘悲平生食祿何從避留取香名百世垂大兵分哨入簡州知州李大全死之懷安軍史顯孫避於簡亦死兵至漢州通判權州劉當可與一宗室太保率民兵守城太保出城往羅山謁賀

靖借兵歸遇大兵見殺遂破城忿而血洗焚蕩死者十萬餘家當可與節制邵復知鋒羅由教授袁拱辰知縣羅君父皆遇害知縣州范辰孫死之

明

揚雄雄謂藏心於淵噫心藏矣身獨不藏乎食新祿而投閑心果不在身乎莽之篡也漸矣曾不以太元卜之而擇天闢乎不可見者藏之誓不使莽誕垂鼎而汗我之槩乎然祿薄而官也累歲不遷始以貧故至禍已迫而不能去乎論其世文高而行樸視孟氏為醕大而疵小也概以投閑疏之過矣苟處其地何如而藏焉曰豫

周洪謨

雪嶺轟玉筆錦江洄練紋山川發靈氣蜀郡生于雲寂

突性所忍雄談坐不聞墨池染奇字可但書八分法言

蘇州志

卷四十九 藝文上

五

準論語太元索義文始也食漢祿駸駸近妖氛天械脫已晚投閑非其君愧乏太乙杖吹噓縱殲焚執是論出

處幽蘭斷奇芬臨風重太息俗轍何紛紛

紫微山

州人 胡汝霖

擬登紫微巔習靜坐雲石老衲起東林邀余出西陌長松連遠山軒楹鎖空碧貝葉有餘函朱宮轉講席悠悠

滄海心誰能老塵積

劉使君招飲富樂山

胡汝翼

纔向灘頭罷釣船喜從雲外訪遺賢冷原寂寞龍方蟄

寶蓋嗟峨鶴已還風淨狼煙清遠塞笛橫牛背下方田更憐高鳥枝頭語似報前村別有天

遊西山

胡汝翼

巍巍珠宇倚涪西排闥諸山恰與齊都入使君圍範裏蒼巖贏得一留題

遊西山

州刺史 尹襄

昨日東山今日西西山遙望北山齊仙雲臺殿歸塵土巖石猶存姓字題

揚子仙遊不可從涪西山下訪遺踪山靈不記千年事

蘇州志

卷四十九 藝文上

五

回首東風勸力農

遊西山

蘇民望

賞花時節近清明策馬涪西一步瀛仙苑芝香春不老龍池魚躍水常清出塵風景追三島入畫書臺勝五城

到此頓令心慮息欲從禪侶學長生

再題

遠騎西山訪隱淪洞門深鎖鳥聲頻採芝何處未歸得

滿院落花空自春

遊西山

周淑

眾訪羣真何處尋迢迢一徑上西岑老君道觀雲陰覆
揚子書臺草色侵間眺愛摹山水趣遍題忘卻利名心
浮生共享昇平樂難料重遊再合簪

西山留題

白 翹

一憑欄檻意無窮萬秀千奇聳碧空陌上管絃清似語
人間日月疾如風青山對榻嵐光重野水橫天晚照紅
歇馬獨來尋故事文章西漢愧揚雄

偶來江外寄行踪挂頰看山幽興濃枯沼暗通泉細細

西巖高枕樹重重洞中見鑿逢仙路鳥際惟聞向暮鐘

蘇州志

卷四十九 藝文上

古

遊目騁懷心自遠人生歲月幾扶筇

西山留題

金 阜

山樹蔽仙雲俯矚江一線達士留瑤蓀神交曠世面
榛蕪屋數椽瓦礫認唵殿飄渺爾朱仙回環謝燒鍊閣荒
霞可餐石乾無溜濺惟餘仙人花燦燦崖下倩乃知麻
姑言桑田更幾變未央與凌歊只有當時見

西山留題

金 深

載酒西崖訪爾朱觀乃爾朱仙
修鍊之所玉泉翠壁泄跣跡江城
入眺渺環堞蕙帳掃跡空丹爐元鶴一去曉霞散青山

不動浮雲孤黃梁夢破天地闊任歷蓬島遊方壺夢與
高屋
山登讀書臺大題石
壁前四句夢中作也

富樂寺次韻

戴金志龍山
侍御

招提深處偶閒來鎖翠禪堂為客開遙聽鼓鐘流澗壑
恍疑山澤動雲雷清光分座人聯玉謂李充寶道
長及金鶴卿美味
薰心酒進疊坐倚肩與頻指點水隨山到豈人裁

望江樓次韻

戴金志

涼颺入座暑如秋洗滌塵襟懶下樓人自風光舒目際

山如屏几護簷頭賞懷喜遂衣冠約萃秀還應甲第收

蘇州志

卷四十九 藝文上

古

日暮未銷憑閣意望中生息寄先憂

遊富樂山

白 翹

富樂登臨境最幽煙霞古洞隔閭浮鐘敲漁父村前曉
笛弄芙蓉溪上秋石碣千年傳往事井泉百尺起潛虬
山僧莫恨生來晚不識當年劉豫州

飲富樂山

高 第

使節凌秋入谷來自憐病骨共登臺雲邊漫擬子西句
海內元推公幹才汨汨雷溪穿曲澗飄飄霜葉點荒苔
有懷欲向飛仙問寶蓋峯頭鶴未回

遊桃源澗同侍御盧雍

相傳昭烈避暑所

金 臯

仙洞曾聞避暑來至今青壁鎖莓苔溪雲欲雨晴嵐濕

巖樹無風爽氣回怪有斷碑橫絕澗可堪逸字失高才

寶花香草年年媚陳迹空餘野鳥哀

洗耳溪流立晚風似聞清嘯落崆峒重遊且自陪驄馬

舊事猶能問遠公勝地名園空紀載荒苔斷石半磨礧

歸來枕席生煙霧昨夜山靈有夢通

與盧侍御雍憇後山小亭

金 臯

曲徑山椒翠竹遮禪房深處見幽花登登野意甯知暑

縣志

卷四十九 藝文上

其

望望林霏獨避諱十境舊題猶待續千年往事祇興嘆

須知畜艾從君始新掘遺文是大家

遊冷源洞次桃源洞韻

金 臯

尋勝冷源得得來洞門深刻點蒼苔山溪載涉渾忘倦

石榻頻移未擬回異代有懷成絕調六人同會抱清才

小橋低覆王孫草興極真憐杜甫哀

重遊冷源洞題

宿霧封泥山色遲搏空古柏落晴絲方塘引水秋容淨

野竹翻堦日景移回首話言思燕喜經年夢寐負幽期

山林鐘鼎隨天性徙倚繩床一賦詩

送李潛歸縣州覲省 見通省志

姚 鵠

山嶺對翠微紅旆出重扉此地千人望寥天一鶴歸雪

封山崦白鳥拂棧梁飛誰比趨庭戀驪珠耀綵衣

讀李節士傳

州人 金獻民

炎祚無光孺子幽井蛙竊號據梁州直將正氣扶風化

肯變初心附國仇就死不貽冠冕媿偷生羞對室家謀

潼川滾滾光如練應共芳名萬古流

題李節士新祠

金獻民

縣志

卷四十九 藝文上

七

新祠軒豁對山城片石深鐫表大名浩氣不因汗世餒

英靈長共列星明觀風御史瞻高節分憲監司樹遠聲

香火千年遺像在路人休作子雲評

遊富樂山

州刺史 蕭來鳳

左縣山水窟富樂在中央地僻溪聲近亭空樹影長鳥

啼林樾暗花落井泉香共有烟霞趣閒吟到夕陽

遊富樂山和韻

州人 金 臯

燕集對平野壺觴樂未央遠峯終日靜流水一溪長翠

篠盤雲澗幽葩繞澗香萍蹤幾良覲回首憶山陽

國朝

絲州

果親王

左繇治界川東路涪水天池山澤互芙蓉流學巴字環
臥龍像作斗樞布泉飛廉讓示官箴井出形鹽足民賦
盛暑無虞蚊蚋侵法堂不藉鷹鷂係三冬氣候祇如春
風霜不改青青樹唐家帝子愛樓居碧瓦朱甍半新故
切星憑眺屬騷人浩蕩雲天慨前度北望嗟峩指大匡
世傳李白讀書處朗抱不遇軒與羲空教筆底騰煙霧
蜀江自昔炳英靈問今誰繼青蓮步

蘇州志

卷四十九

藝文上

木

遊大匡山覓太白讀書臺

郭文涓

新秋小隊覓匡山弔古懷賢積翠間百代才華驚白眼
千峯書屋擁青鬢鳳輝此地金星降鯨駕何時碧海還
展拜英靈泣涕淚夢魂應繞野雲間
詞客西遊訪謫仙風流遺像儼依然調高寡和真堪慟
才大難容更可憐今古詩名亘宇宙江山文藻拂雲烟
屋梁落月疑顏色藜焰還看燭井躔
巖岫逶迤綺樹幽書臺岑寂枕丹邱青山有淚酬千古
白鶴何年返十洲俊逸絕憐才命世豪雄猶覺氣橫秋

賞音異代慚知已啼鳥哀猿迸客愁

縹緗舊積翠微巔芳躅追尋杖履前忘卻乾坤唯酒肆
收將江海總詩篇風塵獨立人瀛島時事休關氏葛天
指點長庚霄漢迴雲局何處鎖青蓮

謁五忠墓

州刺史 蘭

綿竹城西謁墓碑衣冠纔整淚雙垂君臣大義撐炎鼎
父子精忠壯漢基浩氣直凌參井魄英風常逐尾箕騎
森森綠樹環幽塚不斷聲聲杜宇悲

過蘇州留別屠刺史

檢詩雲南石張 漢月梯
屏籍巴縣人

蘇州志

卷四十九

藝文上

尤

瀛洲列侍承

恩久穎水鄰疆得郡雄與爾行藏吾道

在致君堯舜此心同青青萬竹雙峯裏渺渺孤城一水
中去豈圖南六月息少時弭轡待秋風
舊曾相識松陰路半倚孤城卻月彎大塊文章巴字水
四圍關塞斗形山客舟少倦酬詩足邑乘初成待筆刪
分手蘇州貪握手三千里外綵雲間
登高望綿竹懷古
層用謙
信有江山好頻來野興深靈槎遙犯斗杰閣起捫參浩
氣猶霄壤浮雲自古今葛張名父子憑眺感予心

別縣八首 時將入覲

屠用謙

東軒猶近少微堂去國翻如別故鄉豈有辛勤酬葑屨
漫勞童叟具壺漿辦香清夜三年雨檢牘聞雞兩鬢霜
不盡苦衷難共証但將前路祝循良
斗郡毘連沃野區

君恩

鄭重此邊隅縱橫驛路天然限經緯河干地勢殊村落
偏宜瞭指掌人烟已自繪輿圖犬牙犄角分疆索集苑
何如不集枯

廨舍東鄰類壁旁篝燈五夜借餘光縣山日月來鄒魯
巴水文章起漢唐堂奧須知亦步入宮牆更許及肩望
卽今雨露琴書潤芹藻離離發異香

縣志

卷四十九 藝文上

辛

崢嶸氣象破天荒堂構依然代有光參閣風高如意嶺
斗城雲近側身廊科名不向天家弋桂籍偏由帝子香
自昔元宗會得句願吟八座起文章
繭足初登六一堂人民城郭幾滄桑雌黃半似訛傳豕
蠹蝕翻疑錯寫麀爭得締思餘十稔況兼珥筆媿三長
排成一帙處分語粗備

王朝外史章

聖澤感深難述漫題詩

靈峯下瞰影蛾谿卻勝蘭臺最上題北枕石牛仙路迴
西連白馬錦城低一枝突兀凌雲筆七級玲瓏取月梯
天巧直教人巧奪依稀漁獵握筌蹄
載途行李仍書篋羞對花磚日影遲若問棠陰能幾樹
但言黍雨尚須時重來怎似黃公喜此去全憑鮑子知
一鶴一琴皆

入縣州抵豐穀井

四川葛峻起 翁峰學政

淡烟疏雨晚蕭蕭極目平原野輿饒鋪地葭花紅似錦
凌雲竹樹直干霄山村到處多鹽井旅館誰家問酒瓢
記取前年遊覽地行行未覺馬蹄遙

縣志

卷四十九 藝文上

辛

夜次縣州

葛峻起

山程臨薄暮鼓角戍樓邊風葉鳴高樹灘聲吼瀑泉板
橋人跡亂石磴馬蹄穿候火明官路星河夜燭天

次沈少雲成都詠古原韻

署州 吳昇

漢相旌旗玉壘高南征北伐總忘勞天心已合龍歸蜀
夢兆偏遲馬食曹閭統容姦闖禹鼎大江流恨接胥濤
煌煌二表參伊訓不似孤忠託楚騷 諸葛武侯